



5 April 2013
5 April 2013
P.U. (B) 104

WARTA KERAJAAN PERSEKUTUAN

FEDERAL GOVERNMENT GAZETTE

NOTIS PERMULAAN PENYIASATAN DUTI
ANTI-LAMBAKAN MENGENAI IMPORT *NEWSPRINT*
DALAM BENTUK GULUNGAN YANG BERASAL ATAU
DIEKSPORT DARI BELGIUM, REPUBLIK PERSEKUTUAN
JERMAN, SWEDEN DAN UNITED KINGDOM

*NOTICE OF INITIATION OF AN ANTI-DUMPING DUTY
INVESTIGATION WITH REGARD TO IMPORTS OF
NEWSPRINT IN ROLLS ORIGINATING IN OR EXPORTED
FROM BELGIUM, FEDERAL REPUBLIC OF GERMANY,
SWEDEN AND UNITED KINGDOM*



DISIARKAN OLEH/
PUBLISHED BY
JABATAN PEGUAM NEGARA/
ATTORNEY GENERAL'S CHAMBERS

AKTA DUTI TIMBAL BALAS DAN ANTI-LAMBAKAN 1993

NOTIS PERMULAAN PENYIASATAN DUTI ANTI-LAMBAKAN MENGENAI IMPORT
NEWSPRINT DALAM BENTUK GULUNGAN YANG BERASAL ATAU DIEKSPORT DARI
BELGIUM, REPUBLIK PERSEKUTUAN JERMAN, SWEDEN DAN UNITED KINGDOM

(AD 02/13)

MENURUT subseksyen 20(8) Akta Duti Timbal Balas dan Anti Lambakan 1993 [*Akta 504*] dan peraturan 8 Peraturan-Peraturan Duti Timbal Balas dan Anti-Lambakan 1994 [*P.U. (A) 233/1994*], Kerajaan Malaysia telah menerima suatu petisyen yang mengatakan bahawa import *newsprint* dalam bentuk gulungan yang berasal dari Belgium, Republik Persekutuan Jerman, Sweden dan United Kingdom sedang dilambakkan di Malaysia dan menyebabkan kemudaratan material kepada industri dalam negeri di Malaysia yang mengeluarkan keluaran serupa (“industri Malaysia”).

Petisyen

1. Petisyen itu telah dibuat oleh—

Malaysian Newsprint Industries Sdn Bhd (28382-H)
Level 3, Bangunan PanGlobal,
1A, Jalan Tandang,
46050 Selangor Darul Ehsan,

pengeluar dalam negeri *newsprint* dalam bentuk gulungan bagi pihak industri Malaysia.

Keluaran

2. Dagangan subjek yang dikatakan sedang dilambakkan ialah *newsprint* dalam bentuk gulungan yang dikelaskan di bawah Nombor Kod Sistem yang Diharmonikan (Kod H.S.) 4801.00.100 dan Tatanama Tarif Berharmonis ASEAN (AHTN) 4801.00.10.10 (“dagangan subjek”). Nombor Kod H.S. ini diberikan hanya untuk makluman tetapi tidak mempunyai kesan mengikat terhadap pengelasan dagangan subjek.

Pengataan lambakan

3. Pengataan lambakan adalah berdasarkan perbandingan di antara nilai normal dagangan subjek di Belgium, Republik Persekutuan Jerman, Sweden dan United Kingdom dengan harga eksport yang bersamaan dengannya apabila dieksportkan ke Malaysia. Berdasarkan perbandingan ini, margin lambakan sebagaimana yang dikatakan oleh pempetisyen adalah ketara bagi pengeluar/pengeksport tersebut.

Pengataan kemudaran

4. Pempetisyen telah menyatakan dan telah memberikan keterangan bahawa import dagangan subjek dari negara-negara yang dituduh telah meningkat dari segi kuantiti mutlak. Adalah dikatakan selanjutnya bahawa industri Malaysia telah mengalami kemudaran melalui kesan lambakan, antara lain, pemotongan harga, kemelesetan harga, pengurangan syer pasaran, pengurangan penjualan tempatan, penurunan dalam aliran tunai, tahap produktiviti yang rendah, tahap pengeluaran yang rendah, tahap penggunaan kapasiti yang rendah, pulangan pelaburan yang rendah dan ketidakupayaan untuk menambah modal.

Tatacara

5. Setelah menentukan bahawa keterangan yang mencukupi wujud untuk mewajarkan suatu penyiasatan duti anti-lambakan dan bahawa penyiasatan sedemikian adalah demi kepentingan awam, Kerajaan memulakan penyiasatan menurut subperaturan 7(1) Peraturan-Peraturan Duti Timbal Balas dan Anti-Lambakan 1994.

5.1 *Senarai soalan*

Bagi mendapatkan maklumat yang disifatkan perlu bagi penyiasatannya, Kerajaan akan menghantar senarai soalan kepada industri Malaysia dan mana-mana persatuan pengeluar di Malaysia, kepada pengeluar/pengeksport Belgium, Republik Persekutuan Jerman, Sweden dan United Kingdom, kepada pengimport, kepada mana-mana persatuan pengimport yang dinamakan dalam Petisyen dan kepada Kerajaan Belgium, Republik Persekutuan Jerman, Sweden dan United Kingdom.

Dalam apa-apa keadaan, semua pihak berkepentingan yang tidak dihubungi oleh Kementerian Perdagangan Antarabangsa dan Industri (MITI) diminta untuk menghubungi MITI melalui faksimili atau e-mel bagi mengetahui sama ada mereka disenaraikan dalam petisyen. Jika perlu, pihak berkepentingan itu boleh memohon satu salinan senarai soalan dengan memberitahu sifat aktiviti perniagaan mereka yang berkaitan dengan penyiasatan ini.

5.2 *Pengumpulan maklumat*

Semua pihak berkepentingan diminta memberikan pandangan mereka secara bertulis, khususnya dengan menjawab senarai soalan yang dialamatkan kepada mereka dan dengan mengemukakan keterangan menyokong.

Had masa

6. 6.1 *Pihak memohon senarai soalan*

Semua pihak berkepentingan yang memohon senarai soalan, hendaklah berbuat demikian, tidak lewat daripada 15 hari selepas penyiaran notis ini dalam *Warta Kerajaan Malaysia*.

6.2 *Pihak menjawab senarai soalan*

Semua pihak berkepentingan mestilah mengemukakan pandangan mereka secara bertulis dan mengemukakan jawapan senarai soalan dalam masa 30 hari dari tarikh penyiaran notis ini jika pandangan dan pengemukaan itu hendak diambil kira semasa penyiasatan, kecuali jika dinyatakan sebaliknya.

Pengemukaan bertulis, jawapan senarai soalan dan surat-menyurat

7. Semua pengemukaan dan permohonan mestilah dibuat secara bertulis dan mestilah dinyatakan nama, alamat, alamat e-mel, nombor telefon dan faksimili pihak berkepentingan itu kepada—